



Ishonch

Армиямизнинг қудрати – аввало, унинг халқимиз ҳаёти билан чамбарчас боғланган мустақам ришталарида, узвий алоқасида намоён бўлади.
— Ислон КАРИМОВ

Ўзбекистон қасаба уюшмалари Федератсияси газетаси

Gazeta 1991-yil 21-martdan чиқа бoшлаган

■ Мардлар кўриқлайди Ватанни



— Сунги йилларда Ўзбекистон Куролли Кучларида мисли кўрилмаган ўзгаришлар содир бўлди. 21-аср армияси аввало замонавий қурол-яроғлардан, ҳарбий техникадан самарали фойдалана оладиган аскарлар армиясига айланди. Ҳукуматимиз томонидан аскарларнинг ҳарбий тайёргарлигига алоҳида



Истиқлолнинг илк кунлариданок Куролли кучларни тақомиллаштириш, армиямизни замон талабларига жавоб бера оладиган ҳарбий техника билан таъминлашга алоҳида эътибор қаратилди. Соҳада олиб борилаётган ислохотлар самараси ўлароқ шартномавий, сафарбарлик чакирув резерви сингари хизмат турлари, сержантлар мактаби, янги олий ҳарбий билим юртрали пайдо бўлди. Давлатимиз раҳбарининг ўтган йили эълон қилинган «Фуқароларнинг Ўзбекистон Республикаси Куролли Кучларида муддатли ҳарбий хизматни ўташ шарт-шароитларини тақомиллаштириш чора-тадбирлари тўғрисида»ги фармони ҳам Куролли кучларимизни ислох қилишдаги муҳим босқичлардан бири бўлди. Ушбу фармоннинг аҳамияти ҳақида гапириб беришни сураб Олтиариқ тумани мудофая ишлари бўлими бошлиғи, подполковник Умид Хўжамбердиевга мурожаат қилдик.

Ватан ҳимояси ишончли қўлларда

эътибор қаратилаяпти. Йигитларимизни муддатли ҳарбий хизматга танлаб олишда жисмоний ва ақлий салоҳиятига, соғлиғи ва психологик кўрсаткичларига қатъий талаблар қўйилди. Ҳарбий қисмлар энг замонавий қурол-аслаҳалар билан таъминланди. Ўзбек аскарининг миллий формаси, унинг ахлоқий ва маънавий қиёфаси, хуллас, «ўзбек аскари» образи яратилди. Аҳоли ўртасида ҳарбий хизматга муносабат тубдан ўзгарди. Олий бош қўмондоннинг юқорида айтилган фармонига мувофиқ 2009 йилдан Куролли кучлар сафига фуқаролар йилига бир марта — феврал-март ойларида қабирилади. Белгиланган муддатли ҳарбий хизматни ўтаб бўлган ҳарбийлар заҳирага март-апрел ойларида бўшатилди. 2009 йил март-апрел ойларида истисно тариқасида 2008 йил кузда хизматга қабирилган аскарлар ҳам заҳирага бўшатилди. Бу эса ўз навбатида совет армиясида анъана бўлиб қолган «дедовшина» ва ҳарбий билмларни ўрганишдаги тартибсизликларнинг олдини олади. Ҳарбий қисмларда қурол-яроғлардан фойдаланиш ва тактик фанларни ўрганишнинг, маънавий-маърифий ташвиқотларнинг самарадорлигини оширади.

дан олдин заҳирага бўшатилган аскарлар ҳам хизматни тўлиқ ўтаган аскарлар сингари ҳарбий гувоҳнома ва намунали хизматига қараб тавсиянома олишади. Тавсияномаларга эга бўлган фуқаролар олий укув юртралига киришда, иш билан таъминланишда имтиёзга эга бўладилар.

— Ёшларимизда ватанпарварлик ҳиссини кучайтириш бўйича «Қамолот» ёшлар ижтимоий ҳаракати, «Нуроний» ва «Маҳалла» жамғармалари билан Мудофая ишлари бўлимининг алоқалари ҳақида гапириб берсангиз.

— Ёшларни ҳарбий хизматга жалб қилиш алоҳида режа асосида йўлга қўйилган. Улар хизматга юборилгунга қадар бир неча синовлардан ўтиши керак. Аввало, уларнинг жисмоний тайёргарлиғи, соғлиғи белгиланган нормадан паст бўлмаслиғи лозим. Психологик ва билим даражалари давлат тест маркази тайёрлаган саволлар ёрдамида синовдан ўтказилади. Барча синовлар бўйича етарли бал тўплай олган фуқароларгина ҳарбий хизматга лойиқ деб топилиб, вилоят мудофая ишлари бўлими ихтиёрига топширилади. Уларнинг ҳарбий хизматга қизиқиши жуда баланд. Улардаги бундай иштиёқни кўриб гурурланиб кетади одам. Мактаб, коллеж ва кишлоқ фуқаролар йигитларида уруш қатнашчилари, собиқ аскарлар билан учрашувлар уюштириб борилади. Ташвиқот ишлари самараси ўлароқ кейинги йилларда туманимизда ҳарбий хизматдан тавсиянома билан қайтаётган, ҳарбий

билим юртралида таҳсил олаётган ёшларимиз сони ортиб бормоқда. Биргина ўтган йили кузги қақириқда туманимиздан 100 дан ортиқ фуқаро муддатли ҳарбий хизматга юборилди. Бир неча аскарларимиз Мудофая вазирининг ташаккурномасини олди. Ўтган йили хизматдан қайтган фуқароларнинг 80 фоизи тавсиянома ва командирларнинг ташаккурномасига эришди. Улар келажакда ўз йўлини топиб кетиши учун «Қамолот» ёшлар ижтимоий ҳаракати билан яқиндан ҳамкорлик қилинади. Фуқаролар орасида сафарбарлик чакирув резерви сафларида хизмат қилиш истагини билдираётганлар ҳам талайгина. Бунга асосий сабаб, хизматнинг бу турини ўтаб келаётганлар орасида фаолиятини ҳарбий соҳада давом эттираётганларнинг кўплигидир.

Улукбек ИБОДИНОВ суҳбатлашди



■ Омбудсман фаолияти Туб бурилиш йили

2008 йилдан суд амалиётида ўлим ҳазосини қўллашнинг бекор қилиниши, қамоққа олиш учун санкция бериш ҳуқуқининг прокуратурадан суларга ўтказилиши ва низоҳат «Инсон ҳуқуқлари умумжаҳон декларациясининг 60 йиллигига бағишланган дастури тўғрисида»ги Президент фармонининг ижроси инсон ҳуқуқларини ҳимоялашда туб бурилиш ясади. Яқинда Олий мажлисининг Инсоннинг конституциявий ҳуқуқлари ва эркинлигига риоя этилиши бўйича Комиссиясининг кенгайтирилган йиғилишида ҳам шу ҳақда сўз борди.

Унда Олий Мажлисининг Инсон ҳуқуқлари бўйича вакили Омбудсман С.Рашидова 2008 йил давомидаги фаолияти, «Ўзбекистон республикаси мустақилликка эришганининг ўн етти йиллиги муносабати билан амнистия тўғрисидаги акти қўллаш тартиблари тўғрисида»ги қарорнинг бажарилиши ва бунда Инсон ҳуқуқлари бўйича вакили ва минтақавий вакилларнинг иштироки ҳамда «Одам савдосига қарши курашишнинг самарадорлигини ошириш бўйича чора-тадбирлар тўғрисида»ги қарорнинг бажарилиши юзасидан олиб борилаётган ишлар хусусида маъруза қилди.

Йил давомида Инсон ҳуқуқлари бўйича вакилга жами 9962 та мурожаат келиб тушган. Шундан 1891 таси назоратга олинган ва уларда келтирилган маълумотлар текширилиб, тегишли давлат органлари ва ташкилотларига сўровномалар жўнатилган. Мурожаатларнинг аксарият қисми ижобий ҳал этилган, айрим ариза муаллифларига тушунтиришлар берилган. Фуқаролардан келиб тушган мурожаатлар бўйича вилоят ва туман ҳокимиятларига, адлия босқамалари, департаментлари, прокуратура, суд ва шу каби 200 дан зиёд ташкилот ва идораларга назорат билан сўровномалар жўнатилган.

Йиғилишда Қонунчилик палатаси депутатлари, сенаторлар, Республика прокуратураси, Ички ишлар вазирлиғи, давлат ва нодавлат жамоат ташкилотлари, оммавий ахборот воситалари вакиллари иштирок этди.

Ўз муҳбиримиз

■ «Ishonch»га жавоб берадилар «Маданият масканлари қандай ишляпти?»

2009 йил 10 январ, 4-сон

Мақола вазирлик ва вилоят босқамаси мутахассислари томонидан ўрганиб чиқилди. Унда кўрсатилган Нишон туманининг Нишон, Пахтазор, Навруз, Оқолтин, Ширинбод, Самарқанд фуқаролар йиғинларидаги кишлоқ клублари маданият ва спорт ишлари бўлими балансида эмаслиғи маълум бўлди. Ушбу бинолар илгари жамоа ҳужалиқлари тасарруфиди бўлиб, ҳозир тумандаги тураттиш комиссияси ихтиёрида турибди.

Айни кунларда Маданият ва спорт ишлари вазирлиги томонидан тизимдаги клублар тармоғини тартибга келтириш, уларнинг моддий-техник базасини яхшилаш, фаолиятини замон талаблари даражасида ташкил этиш мақсадида 2009 — 2012-йилларга мўлжалланган ҳуқумат дастури ишлаб чиқилмоқда.

Б.САЙФУЛЛАЕВ,
Ўзбекистон Маданият ва спорт ишлари вазирининг биринчи ўринбосари

Ўзбекистон қасаба уюшмалари Федерацияси кенгаши қошидаги Курортлар бошқармаси

Ўзбекистон Республикаси ҳудудида жойлашган «СЕМУРҒ», «ЗАНГИОТА», «ЧОТҚОЛ», «МАТЛУБОТЧИ» (Тошкент маъданли суви), «ХУМСОН» санаторийларига йўлланмалар сотади. Бу сиз учун жуда қулай имконият.

Сизга сиҳат-саломатлик ва кўнглили ҳордиқ тилаймиз! Мулоқот учун телефон: 256-85-68, 256-78-15

